

唐詩紀

T5237.47/4831(15)

初唐第四十九

唐詩紀四十九

滁陽方一元彙編

海寧方天眷重訂

哈佛大學
哈佛燕京
圖書館
珍藏印

趙冬曦

字闕定州人擢第拜左拾遺神龍初上言古律條目千餘開元初為監察御史

坐事流岳州還知史館歷官國子祭酒卒冬曦性放達不屑世事兄弟皆顯官張說云韋趙兄弟人之祀梓

陪張燕公登南樓

寬尉何以歡陰氛亦登望孤島輕霧裏行舟白波上目熒西北雲心醉東南嶂昔日青谿子胡然此

言
無狀

酬燕公出湖見寄

綸紱有成命
旌麾不可攀
湘川朝目斷
荆闕夕波還
果枉東瞻唱
與言夕放閑
攜琴山洞中
置酒滄湖上
芳景恣行樂
謫居忽如忘
聚散本相因
離情自悲悵
鸞翮非常戢
鵬天會昭曠
永懷宛洛游
曾是彈冠望

奉和張燕公早霽南樓

方曙躋南樓
凭軒肆

一作四

遐矚物華蕩
暄氣春景

媚晴旭川霽
湘山孤林芳
楚郊縟列巖
重疊翠遠岸
逶迤綠風帆
摩天垠魚艇
散灣曲鴻歸
鶴舞送猿叫
鶯聲續羣動
皆熙熙噫予
獨羈束常欽
才子意忌鵬
傷踈跼雅尚
騷人文懷沙
何迫促未知
二賢意去矣
從所欲

滄湖作

并序

巴丘南滄湖者
蓋沅湘澧汨之
餘波焉茲水也
淪匯洞庭澹澹
千里夏潦奔注
則決爲此湖冬
霜旣零則涸爲
平野按爾雅云
水反入爲滄斯

言
名之作有由焉爾而此鄉炎暑子月草生彌望
青青相與遊藉豈盈虛之可歎亦風景之多傷
感物增懷因書其事

三湖返入兩山間畜作滄湖灣復灣暑雨奔流潭
正滿微霜及潦水初還波卷谿潭涸綠草芊
芊岸蘄岸適來一作方飛棹共廻旋已復揚鞭恣行
樂道傍耆老步躑躑楚言茲事不知年試就湖邊
披草徑莫疑東海變桑田君訝今時盡陵陸我看
明歲更淪漣來今自昔無終始人事廻環常若是

應

懸一作

思闕下聲華日誰謂江潭旅遊子初真正

喜固當然往蹇來譽宜可俟盈虛用捨輪輿旋勿
學靈均遠問天

和燕公岳州山城

爲吏恩猶舊投沙惠此蒙江邊攸爾處泗上宛然
同訪道精言合論經大義通鳴琴有真氣况已沐
清風

和尹忭秋夜遊滄湖二首

政理常多暇方舟此沂泗吹笙虛洞荅舉楫便風

言
催山暗雲猶辨潭幽月稍來清谿無數曲未盡莫
先迴

煙靄夕微蒙幽灣賞未窮艤舟待初月褰幌招遠
風鶴聲聒前浦漁火明暗叢東山雲壑意不謂爾
來同

陪燕公遊澗湖上寺

江外多山水招要步馬來琴將天籟合酒共鳥歌
一作催巖坐攀紅藥谿行愛綠苔所懷非此地遊
望亦裴徊

答張燕公翻著葛巾見呈之作

美酒值芳春醒余氣益真降歡時倒履乘興偶翻
巾徐榻思方建左車理自均傲然歌一曲一醉濯
纓人

奉答燕公

語別意淒淒零陵湘水西佳人金谷返愛子洞庭
迷舊館逢花發他山值鳥啼江天千里望誰見綠
蘋齊

奉和聖製同一相已下羣官樂遊園宴

言終
爽塏三秦地芳華二月初
醽承奠璧罷宴是合錢
餘柳翠垂堪結桃紅卷
欲舒從容會鵝鷺延蔓戲
龍魚喜氣流雲物歡聲
浹里閭聖恩將報厚一作厚意
請述記言書

奉和聖製答張說扈從南出雀鼠谷

軒轅應順動力牧正趨陪道合殷為礪時行楚有
材省方西禮設振旅北京迴地理分中壤天文照
上台寒依汾谷去春入晉郊來竊比康衢者長歌
仰大哉

奉和聖製送張說上集賢學士賜宴

賦得蓮字

淺術方觀海深恩忽見天
學開丹殿籍名與石渠
賢良輔膺休命微生謬采甄
春餘仍哢鳥夏近未
舒蓮牋札來宸禁衣冠集
詔筵史臣知醉德欲記
升中一作平年

陪燕公行郡竹籬

良臣乃國寶

一作楨

麾守去承明外戶人無閉浮江

獸已行隨來晉盜逸民化蜀風清郭郭從彝典州
閭荷德聲小人被天渥流落巴丘城所賴中和作

詩經
禮唐卷之四十九
五
優游鑿與耕

奉答燕公

誰道零陵守東過此地遊友僚同省閣昆弟接荆
州我逐江潭鴈君隨海上鷗屢傷神氣阻久別鬢
毛秋疑嶺春應遍陽臺雨欲收主人情未盡高駕
少淹留

和燕公別滄湖

南湖美泉石君子翫幽奇灣澳陪臨泛巖岵共踐
窺秋風頰桂竦春景綠楊垂郢路委分竹湘濱擁
去麾枉帆懷勝賞留景惜差池水木且不棄情遊
良可知

奉酬燕公見歸田賦垂贈之作

窮鳥嬰籠綴孤飛任播遷鷦鷯王佐用復此挫沖
天楚雲何掩鬱湘水亦迴遘懷哉愧木鴈忽爾枉
蘭荃愈疾同枚叔銷憂比仲宣歸途書可畏弱操
石猶堅覆載雖云廣泮陽直塊然

和張燕公耗磨日飲

上月今朝減流傳耗磨辰還將不事事同醉俗中

人

劉幽求

本傳云冀州人聖曆中拜閩中尉後與
玄宗討平韋庶人以功擢中書舍人參
知機務累封徐國公開元初授尚書左丞相
兼黃門監姚崇忌之以快望貶睦州刺史轉
桂陽郡刺史
卒諡曰文獻

書懷

心為明時盡君門尚不容田園迷徑路歸去欲何
從

鄭遂初

萬歲通入中
登李迥秀第

別離怨

蕩子戍遼東連年信不通塵生錦步障花遶玉屏

風只恐

一作怨

紅顏改寧辭玉簫空繫書春鴈足早

晚到雲中

洪子輿

睿宗時為侍御史姜晦時為
中丞諷劾韋安石子輿不從

嚴陵祠

漢王召子陵歸宿洛陽殿客星今安在隱迹猶可

見水石空潺湲松篁尚葱蒨岸深翠陰合川迴白

雲徧幽徑滋蕪沒荒祠暮霜霰垂釣想遺芳掇蘋

羞野薦高風激終古語理忘榮賤方念道可尊山

詩系
林情不變

張敬忠

張仁愿在朔方奏用御史張敬忠等分
總軍事累遷吏部郎中開元中拜盧平

使節度

邊詞

五原春色舊來遲二月垂楊未挂絲
即今河畔冰開日正是
長安花落時

崔滌

定州人液弟也多辯智善諧詭素與玄宗
款密後用為秘書監出入禁中賜名澄從
東封還加金紫
封安喜縣子

望韓公堆

韓公堆上望秦川渺渺關山西
接連孤客一身千里外
未知歸日是何年

嚴識玄

唐新語云為鞏令後轉魏州刺史為魏
令李懷讓所辱俄又俱為兵部郎中既
同曹局亦難為容
舉朝以為深戒

班婕妤

賤妾如桃李君王若歲時
秋風一已勁搖落不勝
悲寂寂蒼苔滿沈沈
綠草滋繁華非此日
指輦競

何辭

章玄同

詩已

初唐卷之四十一

流所贈張錫

黃葉因風下甘從洛浦隈白雲何所為還出帝鄉來

任希古

王方慶起家越府參軍受司馬遷班固二史於記室任希古希古他遷就卒其業見王方慶傳

和左僕射燕公春日端居述懷

豐野光三傑媯庭贊五臣綈緗歌美譽絲竹詠芳塵聖曆開環象昌年降甫申高門非捨築華構豈垂綸鳳邸搏霄翰龍池躍海鱗玉鼎昇黃閣金章

謂紫宸禮闈通政本文昌總國均調風振薄俗清教敘彝倫星迴應緹管日御警寅賓葉上曾槐變花發小堂春思挂東都冕言訪北山巾赫赫容臺上千祀耀平津

崔禹錫

字洪範登顯慶三年進上第為中書舍人

奉和聖製送張說巡邊

供帳何煌煌公其撫朔方羣僚咸餞酌明王降離章關塞重門下郊岐禁苑傷練兵宜雨洗卧鼓候風涼炎景寧云憚神謀肅所將旌搖天月迴騎入

塞雲長赫赫皇威振油油聖澤湧非惟按車甲兼
以正封疆叱咤陰山道澄清瀚海陽虜垣行決勝
台坐佇爲光

盧從愿

本傳云字子龔相州人弱冠舉明經授
夏縣尉遷監察御史睿宗踐祚拜吏部
侍郎高宗時裴行儉馬載爲吏部稱職及是
從愿與李朝隱同時典選亦有美譽時人稱
曰前有馬裴後有盧李開元中遷中
書侍郎後拜吏部尚書卒諡曰文

奉和聖製送張說巡邊

上將發文昌中軍靜朔方占星引旌節擇日拜壇
場禮樂臨軒送威聲出塞揚安邊俟帷幄制勝在

巖廊作鼓將軍氣投醪壯士觴戒途遵六月離贈
動三光槐路清梅暑衡臯起麥涼時文仰雄伯耀
武震遐荒衽席知無戰兵戈示不忘佇聞歌杖杜
凱入繫名王

張嘉貞

本傳云蒲州人應五經舉長安中拜監
察御史開元中遷中書令知政事以事
出爲台州刺史復拜工部尚書定州刺
史知武平軍事累封河東侯卒諡恭肅

恩敕尚書省寮宴昆明池應制

同用
堯字

靈沼初開漢神池舊浴堯昔人徒習武明代此聞
韶地脉山川勝天恩雨露饒時光牽利舸春淑覆

柔條芳醞醒千日華燄落九霄幸承歡賚重不覺
醉歸遙

奉和早登太行山中言志應制

明發扈山巔飛龍高在天山南平對鞏山北遠通
燕瞻彼岡巒峻憑茲士馬妍九圻行若砥萬谷輾
如川羅網開三面閭閻問百年澤將春雪比文共
曉星連後后逢今聖登台謝曩賢唯餘事君節不
讓古人先

奉和聖製送張說巡邊

天錫我宗盟元戎付夏卿多才兼將相必勇獨橫
行經緯稱人傑文章作代英山川看是陣草木想
為兵不待河水合猶防塞一作漢月明有謀當繫醜
無戰且綏氓閩外傳一作專三畧雲中冀一平感恩
同義激一作共心盡 悵別屢魂驚直視前旌掣遙聞後
騎鳴還期方定日復此出郊迎

宋璟

本傳云邢州人其先自廣平徙焉少耿介
有大節弱冠舉進士累轉鳳閣舍人當官

正色則天甚重之睿宗踐祚遷吏部尚書同
中書門下三品開元中拜侍中累封廣平郡
公後遷尚書右丞相與張說源乾曜同日拜
官卒諡文貞○皮日休桃花賦序云余嘗慕

宋廣平之為相正姿勁質剛態毅狀疑其鐵石心腸不能吐婉媚辭然觀其文而有梅花賦清便富艷得南朝徐庾之體

奉和聖製同二相已下羣官樂遊園宴

侍飲終酺會承恩續勝遊戴天惟慶幸選地卽殊尤北向祇雙闕南臨賞一丘曲江新溜暖上苑雜花稠疊疊韶絃屢戛戛賁帛周醉歸填畛陌榮耀接軒裘

奉和聖製荅張說扈從南出雀鼠谷

秦地雄西夏并州近北胡禹行山啟路舜在邑爲

都忽視寒暄隔深思險易殊四時宗伯敘六義宰臣鋪徵作宮常應星環日每紆盛哉逢一作合道良以致亨衢

蒲津迎駕

回鑾下蒲坂飛旆指秦京雒上黃雲送關中紫氣迎霞朝看馬色月曉聽雞鳴防拒連山險長橋壓水平省方知化洽察俗覺時清天下長無事空餘襟帶名

奉和御製璟與張說源乾曜同日上官命

宴都堂賜詩應制

按本傳開元十七年環為尚書右丞相張說為

左丞相源乾曜為太子少傅同日拜有詔太官設饌太常奏樂會百官尚書省東堂帝賦三傑詩白寫以賜

承相邦之重非賢諒不居老臣慵且憊何德以當

諸厚秩先為忝崇班復此除太常陳禮樂中掖降

簪裾聖酒山河潤仙文象緯舒冒恩懷寵錫陳力

省空虛郭隗慙無駿馮諼愧有魚不知周勃者榮

幸定何如

奉和聖製送張說巡邊

帝道薄

一作薄

存兵王師尚有征是關司馬法爰命

揔戎行畫闥崇威信分麾盛寵榮聚觀方結轍出

祖遂傾城聖酒江河潤天詞象緯明德風邊草偃

勝氣朔雲平宰國推良器為軍挹壯聲至和常得

體不戰即亡精以智泉寧竭其徐海自清遲還廟

堂坐贈別故人情

送蘇尚書赴益州

我望風煙接君行霰雪飛園亭若有送楊柳最依

依

蕭嵩

木傳云神龍初補洛州叅軍景雲中陸象
先知政事遠遷殿中侍御史開元中為兵
部尚書河西節度使大破吐蕃入為中書令
加集賢殿學士知院事封徐國公天寶中卒

奉和御製左丞相說右丞相璟太子少傅

乾曜同日上官命宴都堂賜詩

審官思共理多士屬惟唐歷選台庭舊來熙帝業

昌入朝師百辟論道協三光垂拱咨元老親賢輔

少陽登庸崇禮送寵德耀宸章御酒飛觴洽仙闈

雅樂長荷恩思有報陳力愧無良願罄公忠節同

心奉我皇

奉和聖製送張說上集賢學士賜宴

得登字

帝曰簡才能旌賢在股肱文章體一變禮樂道逾

弘芸閣英華入賓門鵷鷺登恩筵過所望聖澤實

超恒夏葉開紅藥餘花發紫藤微臣亦何幸叨此

預文明

姚崇

本傳云本名元崇汝州人應下筆成章舉
累遷夏官中郎武后奇其才超遷夏官侍郎
郎知政事俄遷鳳閣侍郎春官尚書睿宗時
為中書令先天中代郭元振為兵部尚書同
中書門下三品復遷紫微令
開元中封梁國公卒諡文獻

故洛陽城侍宴應制

遊豫停仙蹕登臨對晚晴川息連倒影巖鳥應虛
聲野奏風成曲山居雲作纓今朝丘壑上高興小
蓬瀛

夜渡江

夜渚帶浮煙蒼茫晦遠天舟輕不覺動纜急始知
牽聽草遙尋岫聞香暗識蓮唯看孤帆影常恐客
心懸

秋夜望月

明月有餘鑒羈人殊未安桂含秋樹晚波入夜池

寒灼灼雲枝浮光光草露團所思迷所在長望獨
長歎

奉和聖製龍池篇

紀事云龍池在宮也
宗五子賜第紫雲坊號五王
製大衾長枕曲
舊邸為興慶宮
於安興塚列宮側天子
樓西曰化萼相輝用
西

恭聞帝里生靈祉應報明君鼎業新既叶翠泉光
寶命還符白水出真人當時舜海潛龍躍此日堯
河帶馬巡獨前池一小鴈叨承舊惠入天津

源乾曜

本傳云乾曜字仲良京雲中累遷諫議大夫開元三年遷太子少師

三品後遷太子少師

奉和聖製送張尚書巡邊

匈奴邇河朔漢地須六英才朝端出監
撫流星下閭闔寶鉞尊八物生光輝宸章備
恩詔有征視一戟制勝一美何壯哉栢栢
擅斯舉聲華振臺閣功德一文武奉國知命輕忘
家以身許安人在勤恤保大殫襟腑此外無異言
同情報明主

奉和聖製送張說上集賢學士賜宴

得迎字

盛業光書府徵人盡國英司綸賢得相羣俊學為
名寵命垂天錫崇恩發睿情薰風清禁籞文殿述
皇明日霽庭陰出池曛水氣生歡娛此無限詩酒
自相迎

奉和御製乾曜與張說宋璟同日上官命

宴都堂賜詩

睿作超千古湛恩育萬人遞遷俱荷澤同拜忽為
隣道合徽音暢芳馳景命新鼓鍾崇享禮鵠鷺集

言終
初唐卷之四十一
朝倫竊位思官謫凋容謝木春慙多無以敘拙備
實難陳進綬一作級懷三少承光盡百身自當歸第
日何幸列宮臣

蘇綰

杜審言有送蘇綰書記詩

奉和姚令公駕幸溫湯喜雪應制

漢主新豐邑周王尚父師雲符沛童唱雪應海神
期林變驚春早山明訝夕遲况逢溫液霈恩重御
裘詩

初唐第四十九

初唐第五十

唐詩紀五十

滁陽方一元彙編

海寧方天眷重訂

崔泰之

紀事云知溫子初以職方郎中預平張時以禮部居洛與韋嗣立張說崔日

知數有酬倡終工部尚書

奉和聖製送張尚書巡邊

南庭胡運盡北斗將星飛旗鼓臨沙漠旌旄出洛
畿關山遶玉塞烽火映金微屢獻帷謀策頻承廟
勝威蹀躞臨河騎迤迤度隴旂地脉平千古天聲

詩紀

初唐卷之四十一

振九圍車馬生邊氣戈鋌駐落暉夏近蓬首轉秋
深草木腓餞送紆天什恩榮賜御衣佇勒燕然頌
鳴騶計日歸

奉酬韋嗣立祭酒偶遊龍門北谿忽懷驪
山別業因以書志示弟淑奉呈諸大僚之
作

關塞臨伊水驪山枕灞川俱臨隱路側同在帝城
邊謝公兼出處携妓翫林泉鳴騶噴梅雪飛蓋曳
松煙聞琴幽谷裏看奕古巖前落日低幃帳歸雲

繞管絃叨榮慙北闕微尚愛東田寂寞灰心盡蕭
條塵事捐朝思登嶰絕夜夢弄潺湲宿懷南澗意
况覩北谿一作巖篇

同日知光祿弟冬日述懷

并序

韋祭酒張左丞二公並廊廟偉才朝廷舊相咸
光首和殊爲佳作輒繼陽春深增愧悚

吾族白眉良才華動洛陽觀光初入仕應宿始爲
郎飛螢翫書籍白鳳吐文章海卿逾往雅河尹冠
前張擇才綏鄢郢殊化被江湘高樓臨廣陌甲第

言系
神唐卷之五十一
敞通莊列館却山下疏亭洛水傷昌年賞豐陌暇
日悅林塘衣冠皆秀彥一作茂羅綺盡名倡隔岸聞
歌度臨池見舞行門庭寒變色榮戟自生光窮陰
方黷黷殺氣正蒼茫感時興盛作晚歲共多傷積
德韋丞相通神張子房吟草編簪紱逸韻合宮商
功名守留省濫迹在文昌家園遙可見臺寺近相
望無庸乘侍謁有暇共翱翔棣華依鴈序竹葉拂
鸞觴水坐憐秋月山行弄晚芳恩華慙服冕友愛
勗垂堂無由報天德相顧詠時康

崔日知

字子駿景雲中爲洛州司馬以討譙王重福功加銀青累遷京兆尹後遷太常卿自以歷任年久每朝士參集常與尚書同列時人號爲尚書裏行遂爲口實後爲潞州刺史卒見從父弟日用傳

奉酬韋祭酒偶遊龍門北谿忽懷驪山別業因以言志示弟淑并呈諸大僚之作

夙齡秉微尚中年忽有鄰以茲山水癖遂得狎通

人迨我咸

一作南

京道聞君別

一作北

業新巖前窺石

鏡河畔踏芳茵旣憐伊浦綠復憶灞池春連詞謝
家子同歡冀野賓趣閑魚共樂情洽鳥來馴詎一作

誰念昔遊者祇命獨留秦蕭條潁陽戀冲漠漢陰
真無由陪勝躅空此翫書筠

冬日述懷奉呈韋祭酒張左丞蘭臺名賢
弱齡好經籍披卷卽怡然覃精四十載馳騁數千
言孔壁采遺篆一作軼周韋考絕編袁公論劔術孫
子敘兵篇魯史君臣道姬書日月懸從師改炎燠
負笈遍山川上異西河夏中非北海玄光榮拾青
紫名價接通賢旣重萬鍾樂寧思二頃田長戟同
分虎高冠亞一作互附蟬晚懷重虛曠養志息雕鑄

登高慙思拙匠物謝情研不慕張平子寧希一作思
王仲宣誰謂登龍日翻成刻鵠年循循勞善誘軋
軋思微牽琢磨才旣竭鑽仰德彌堅朽木誠爲諭
捫心徒自憐終期吞鳥夢振翼上雲煙賦成先擲
地詞高直揆天更執摠衣禮仍開函丈筵霧披槐
市藹水靜壁池圓願逐從風葉飛舞翰林前

魏奉古

奉酬韋祭酒偶遊龍門北谿忽懷驪山別
業因以言志示弟叔奉呈諸大僚之作

有美朝為貴幽尋地自偏踐臨伊水內想望灞池
邊是遇皆新賞茲遊若舊年藤蘿隱路接楊柳御
溝聯道愜神情王機忘俗理捐遂初誠已重兼濟
實為賢跡是東山戀心仍北闕懸顧慙經拾紫多
謝賦思玄未躡一作躡中林步空承上一作麗藻傳
陽春和已寡扣一作知寂竟一作意徒然

李邕

文苑傳云字太和江都人善子也長安初
拜左拾遺開元中為左臺侍御史累曹
謫以討賊功歷括淄滑三州刺史素有聲稱
上計京師後進不識京落所陌聚觀以為古
人天寶中為北海太守李林甫忌之以柳勣
事遣御史就郡杖殺之初邕擅才名尤長碑

頌雖貶職在外中朝衣冠及天下寺觀多齋
金帛往求其文凡數百篇受餽遺至鉅萬焉
○盧藏嘗謂邕如干將鑌鄒難
與爭鋒但虞傷缺耳卒如其言

銅雀妓

西陵望何及絃管徒在茲誰言死者樂但令生者
悲丈夫有餘志兒女焉足私擾擾多俗情投迹互
相師直節豈感激荒淫乃淒其潁水有許由西山
有伯夷頌聲何寥寥唯聞銅雀詩君舉良未易永
為後代嗤

詠雲

言終
綵雲驚歲晚繚繞孤山頭散作五般色疑爲一段
愁影雖沈澗底形在天際遊風動必飛去不應長
此留

登歷下古城員外孫新亭

亭對鵲河時李
之芳自尚書郎

出爲齊州
製此亭

吾宗固神秀體物寫謀長形制開古跡曾冰延樂
方太山雄地理巨壑眇雲莊高興汨煩促永懷清
典常含引知四大出入見三光負郭喜秔稻安時
歌吉祥

奉和初春幸太平公主南莊應制

傳聞銀漢石支機復見金輿出紫微織女橋邊烏
鵲起仙人樓上鳳凰飛流風入座飄歌扇瀑水侵
堦濺舞衣今日還同犯斗斗乘槎其逐海潮歸

司馬逸客

李又有送司馬貞
外逸客北征詩

雅琴篇

亭亭嶧陽樹落落千萬尋獨抱出雲節孤生不作
林影搖綠波水彩絢丹霞岑直幹思有託雅志期
所任匠者果留盼雕斲爲雅琴文以楚山玉錯以

昆吾金虬鳳吐奇狀商徵含清音清音雅調感君子一撫一弄懷知己不見鍾期百年餘還憶朝朝幾千里馬卿臺上應蕪沒阮籍帷前空已矣山情水意君不知拂匣調絃爲誰理調絃拂匣倍含情況復空山秋月明隴水悲風已嗚咽離鷗別鶴更淒清將軍塞外多奇操中散林間有正聲正聲諧風雅欲竟此曲誰知者自言幽隱乏先容不道人物知音寡誰能一奏和天地誰能再撫歡朝野朝野歡娛樂未央車馬駢闐盛彩章歲歲汾川事

鼓朝朝伊水聽笙簧窈窕樵臺臨上路妖嬈歌舞出平陽彈絃本自稱仁祖吹管由來許季長猶憐雅歌淡無味淥水白雲誰相貴還將逸調賞幽心不覺繁聲論遠意傳聞帝樂奏鈞天倘冀微躬一作備五絃願持東武宮商韻長奉南薰億萬年

李如璧

中爲御史
嘗劾崔日知贓

明月

三五月華流炯光可憐懷歸一作君郢路長逾江越漢津無梁遙遙永夜思茫茫昭君失寵辭上宮蛾

眉嬋娟卧擅穹胡人琵琶彈北風漢家音君絕南
鴻昭君此時怨畫工可憐明月光臃臃節既秋兮
天向塞沅有漪兮湘有瀾沅湘糾合森漫漫洛陽
才子憶長安可憐明月復團團逐臣戀主心愈恪
棄妻思君情不薄已悲芳歲徒淪落復恐紅顏坐
銷鑠可憐明月方照灼向影傾身比葵藿

李景伯

邢州人懷遠子也景龍中為給事中遷
諫議大夫景雲中累遷散騎常侍卒

回波辭

中宗嘗宴侍臣及朝集使酒酣各令為迴波
辭衆皆為諂佞語及自要榮位次至景伯云

云中宗不悅蕭至忠
稱之曰此真諫官也

回波爾時酒卮微臣職在箴規侍讌既過三爵喧
譁竊恐非儀

李行言

雁西人
中宗時為給事中帝七月七日
御兩儀殿會宴命為步虛歌行言於御

前長跪作三洞道士音詞歌
數曲貌偉聲暢上頗歎美

秋晚度廢關

秦郊平舊險周德眷遺黎始聞清夜柝俄見落封
泥物色來無限津途去不迷空亭誰問馬閑戍但
鳴雞山月寒彌淨河風曉更淒贈言楊伯起非復

是關西

盧崇道

紀事云為太常卿坐其聳崔湜反俱流嶺南還歸至都睿宗時以事故死

新都南亭別郭大元振

竹經女蘿踐蓮洲文石隄靜深人俗斷尋翫往還

迷碧潭秀初月素林驚夕栖褰幌納鳥侶罷琴聽

猿啼佳辰改夙昔勝寄坐睽携長懷賞心愛如玉

一作復如珪

張宣明

唐新語云宣明有膽氣富詞翰為郭元振判官

山行見孤松成詠

唐新語云宣明嘗山行見孤松賞翫久之賦詩云云鳳閣舍人梁載言賞之曰文氣質不減於長

松也

孤松鬱山椒肅爽凌清霄既挺千丈幹亦生百尺

條青青恒一色落落非一朝大厦今已構惜哉無

人招寒霜十二月枝葉獨不凋

使至三姓咽麪

為郭元振判官時作人稱為絕唱

昔聞班家子筆硯忽然投一朝撫長劍萬里入荒

陬豈不服艱險只思清國讐山川去何歲霜露幾

逢秋玉塞已遐廓鐵關方阻脩東都日窅窅西海

此悠悠卒使功名建長封萬里侯

李夔

武后時為
汴州司戶

使至汴州喜逢宋之問

阮籍蓬池上孤韻竹林才巨源從吏道正擁使車

來相逢且交臂相命且銜杯醉後長歌畢餘聲繞

吹臺

賈曾

文苑傳云洛陽人少知名景雲中為吏部
員外郎開元初拜中書舍人與蘇晉同掌
制誥皆以詞學見知時
稱蘇賈遷禮部侍郎卒

和宋之問下山歌

良遊晚晚今月呈光錦路透迤今山路長王孫不

留今歲將宴嵩巖仙草今為誰芳

孝和皇帝挽歌

新命千齡啓鴻圖累聖餘天行應潛曜帝出受圖

書禮若傳堯舊功疑復夏初夢遊長不返何國是

華胥

奉和春日出苑矚目應令

時為太子舍人
使在東都作

銅龍

一作
形闡

曉闢問安迴金輅春遊博望開渭水

一作

晴光搖草樹終南佳氣入樓臺招賢已從商山

老托乘還徵鄴下才臣在東周獨留滯忻逢一作承
睿藻日邊來

袁恕已

本傳云滄州人長安中歷遷司刑少卿預誅張易之兄弟拜中書令封南陽郡王後貶環州爲周利正逼飲野葛汁死

詠屏風

綺閣雲霞滿芳林草樹新鳥驚疑欲曙花笑不關
春山對彈琴客谿流垂釣人請看車馬客行處有
風塵

吳兢

本傳云浚儀人博通經史以魏元忠薦直史館神龍中遷右補闕開元歷衛尉少卿

右庶子居史職三十年敘事簡要人用稱之後封襄垣縣子爲恒王傳茲

永泰公主挽歌二首

穠華從婦道釐降適諸侯河漢天孫合瀟湘而子
遊關雎方作訓鳴鳳自相求可歎凌波迹東川遂
不流

舜華徂北渚宸思結南陽鑿綬哀榮備遊軒寵悼
彰三川謀遠日入水宅連岡無復秦樓上吹簫下
鳳凰

閭丘均

文苑傳云成都人以文章著稱景龍中爲安樂公主所薦拜太常博士公主被

誅坐貶循州司
倉卒有集十卷

臨水亭

高館基曾山微羃生花草俯對野村樹下臨車馬
道清朗悟心術幽遐備瞻討迴合峰隱雲聯縣渚
縈島氣似滄洲勝風為青春好相及盛年時無令
歎哀老

張紘

登久視六年進士第

行路難

君不見溫家玉鏡臺提攜抱握九重來君不見相

如絳綺琴一撫一拍鳳凰音人生忘氣須及早莫
負當年行樂心荆王奏曲楚妃歎曲盡歡終夜將
半朱樓銀閣正平生碧草青苔坐蕪漫當春對酒
不須疑視日相看能幾時春風吹盡燕初至此時
自為稱君意秋露萎草鴻始歸此時衰暮與君違
人生翻覆何常定誰保容顏無是非

趙謙光

答戶部員外賀遂涉戲贈

唐新語云景龍中謙光自彭州司馬入為大理正遷戶部郎中賀遂涉時為員外戲詠云

詩經

不居者之五

員外由來美郎中望不優誰言粉署裏翻作土山頭謙光答之云云

錦帳隨情設金爐任意薰惟愁員外署不應列星

文

鄭惟忠

本傳云宋州人儀鳳中舉進士天授中歷遷鳳閣舍人中宗即位擢拜黃門侍郎御史大夫封滎陽縣男開元初轉禮部尚書太子賓客卒

送蘇尚書赴益州

離憂將歲盡歸望逐春來庭花如有意留豔待人

開

劉懷一

唐新語云懷一有才智燕自瀛州司法拜右臺殿中

贈右臺監察鄧茂遷左臺殿中

惟昔參多士無雙仰異才鷹鷂同效逐鶴鷺忝遊陪入仕光三命遷榮歷二臺隔墻欽素躅對問隈清埃紫署春光早蘭闥曙色催誰言夕鳥至空想

鄧林隈

呂太一

景雲中為洹水令魏知古為黃門侍郎表薦之

詠院中藜竹

唐新語云太一拜監察御史裏行自負才華而不即真因詠院中藜竹以寄意焉

擢擢當軒竹青青重歲寒心真徒見賞籜小未成

詩記

初唐卷之二

三

竿

張泚

紀事作張紘

和呂御史詠院中蓂竹

見唐新語

聞君庭竹詠幽意歲寒多歎息為冠小良工將柰

何

閨怨

搜王集作張炫

去年離別鴈初歸今夜裁縫螢已飛征客未

一作

來音信斷不知何處寄邊

一作衣

賀遂亮

贈韓思彥

時思彥同在憲臺見唐新語

意氣百年內平生一寸心欲交天下事未面已虛

襟君子直名義直道冠衣簪風雲行可託懷抱自

然深落霞靜霜景墜葉下風林若上南登岸希訪

北山岑

韓思彥

酬賀遂亮

見唐新語

古人一言重嘗謂百年輕今投歡會面顧盼盡平生簪裾非所託琴酒與相併累日同遊處通宵款

素誠霜飄如柳脆雪冒覺松真願言何所道幸得
歲寒名

魏求已

自御史左授山陽丞

見唐新語

朝昇照日檻夕次下烏臺風竿一眇邈月樹幾衰
徊翼向高標斂聲隨下調哀懷燕首自白非是為
年催

初唐第五十

初唐第五十一

唐詩紀五十一

滁陽方一元彙編

海寧方天眷重訂

王丘

本傳云字仲山舉車于科長安中自隱歸
主簿擢第拜監察御史開元中拜吏部侍郎
郎典選平允後轉太子賓客
襲爵宿豫男拜禮部尚書卒

詠史

高潔非養正盛名亦險艱律哉謝安石攜妓入東
山雲巖響金奏空水灩朱顏蘭露滋香澤松風鳴
珮環歌聲入空盡舞影到池閑杳眇同天上繁華

非代間卷舒混名跡縱誕無憂患何必蘇門子冥
然閉清關

奉和聖製答張說扈從南出雀鼠谷之作
襟帶三秦接旂常萬乘過陽原淑氣早陰谷沍寒
多花縟前茅仗霜嚴後殿戈代雲開晉嶺江鴈入
汾河北土分堯俗南風動舜歌一聞天樂唱恭遂
萬人和

奉和聖製送張尚書巡邊

德業蘊時宗幽符夢象通
公司計祈父師律總元
戎出入敷能政謀猷體至公
贈行光睿計宴別感宸衷
文炳高天曜恩垂湛露融
建牙之塞表鳴鼓接雲中
策密鬼神秘威成劔騎雄
朔門正炎月兵氣已秋風
肅殺從此始方知胡運窮

崔翹

齊州人崔融子開元初
爲禮部尚書諡曰成

送友人使夷陵

猿鳴三峽裏行客舊沾裳
宿道從茲去思君不暫
忘開襟春葉短分手夏條長
獨有幽庭桂年年空自芳

奉和聖製答張說南出雀鼠谷

硤路繞河汾晴光掃拂一作暝氛笳吟中嶺樹仗入
半峯雲頓覺山原盡平看品里分早行芳草遠晚
憩好風薰嘉頌推英宰春遊心扈聖君共欣承睿渥
日月照天文

鄭郎中山亭

篆筆飛章暇園亭染翰遊地奇人境別事遠俗塵
收書閣山雲起琴齋澗月圓泉清鱗影見樹密鳥
聲幽杜馥熏梅雨荷香送夕秋無勞置驛騎文酒

可相求

崔沔

孝友傳云字美冲長安人事親至孝應制舉對策為天下第一岑羲謂人曰此今之
郅詵表為左補闕開元中張說薦之拜中書侍郎歷秘書監太子賓客卒

奉和聖製同二相已下羣官樂遊園宴

五日醑纔畢千年樂未央復承天所錫賜一作終宴

國一作之陽地勝春逾好恩深樂更張落花飛廣

座垂柳拂行觴庶尹陪三史諸侯具萬方酒酣同

抃躍歌舞詠時康

崔尚

登久視六年進士第官至祠部郎中

詩經 卷之五十一
奉和聖製同二相已下羣官樂遊園宴

春日照長安皇恩寵庶官合錢承罷宴賜帛復追

歡供帳憑高列城池入迴寬花催相國醉一作鳥

和樂人彈北闕雲中見南山樹杪看樂遊宜締賞

舞詠惜將闌

梁知微 詞聖初登進士第

入朝別張燕公

華容佳山水之子厭承明符竹紆小郡江湖被德

聲三年計吏入路指巴丘城鳧舟纔結纜騶駕已

相迎別離他鄉酒委曲故人情孤嶼早煙薄長波

晚氣清辛勤方遠鶩勝賞屢難并迴瞻洞庭浦日

暮愁雲生

王熊 韋嗣立詩序余忝省闈岳州張使君潭州王都督同官聯事

奉別張岳州說二首

長沙辭舊國洞庭逢故人薰蘭敦久要披霧轉相

親歲月空嗟老江山不惜春忽聞黃鶴曲更作白

頭新

平生共風月倏忽間山川不期交淡水暫得款忘

年興逸方罷釣帆開欲解船離心若危旆朝夕爲
若懸

王琚

本傳云河內人有才畧玄宗在東宮奏授
詹事府司直兼崇文學士先天中拜中書
侍郎以誅太平公主功封趙國公常在帷幄
之側參聞大政時謂之內宰相後歷刺十四
州又爲廣平鄴郡太守李林甫構
成其罪貶江華郡司馬自縊卒

奉荅燕公

郡遠途且艱宜悲良自得胡爲心獨爾惠好在南
國亦旣清顏披罔然良願克與君蘭時會羣物如
藻飾煙景惜歡賞雲山起翰墨接藝奇思微偶談

玄言直永日不知倦逾旬猶謂亟如何酌離樽移
棹巴城側浦口勞長望舟中獨太息疾風吹飛帆
倏忽南與北目盡不復見懷哉無終極唯當衡峯
上遙辨湖水色

美女篇

東鄰美女實名娼絕代容華無比方濃纖得中非
短長紅素天生誰飾妝桂樓椒閣木蘭堂繡戶雕
軒文杏梁屈曲屏風繞象牀菱縠翠帳綴香囊玉
臺龍鏡洞徹光金爐沈煙酷烈芳遙聞行珮音鏘

鏘含嬌欲一作笑出洞房二八三五閨心切褰簾

捲幔迎春節清歌始發詞怨一作咽鳴琴一弄心

斷絕借問哀怨何所為盛年情多心自悲須臾破

顏倏斂態一悲一喜併相宜何能見此不注心惜

無媒氏為傳一作音可憐盈盈直千金誰家君子

為藁砧

自荆湖入朝至岳陽奉別張燕公

五載朝天子三湘逢舊僚扁舟方輟棹清論遂終

朝遠樹煙間沒長江地際遙帝城馳夢想歸帆滿

風颺

遊滙湖上寺

春山臨遠壑水木自幽清夙昔懷微尚茲焉一放

情雲間聽弄鳥煙上摘初英地僻方無悶逾知道

思精一作

朱使欣

道峽似巫山

張說有和詩

江如曉天靜石似暮雲張征帆一流覽宛若巫山

陽楚客思歸路秦人謫異鄉猿鳴孤月夜再使淚

寺已

切唐卷之五十一

六

霑裳

姜晞

登永隆二年進士第

奉和聖製龍池篇

靈沼縈迴邸第前
浴日涵春寫曙天
始見龍臺昇鳳闕
應知霄漢起神泉
石匱渚傍還啟聖
桃李初生更有仙
欲化帝圖從此受
正同河變一千年

姜皎

長安中為尚衣奉御明皇在藩邸識其有非常度委心焉及即位授殿中少監出入卧內後遷秘書監坐洩禁中語流欽州卒

奉和聖製龍池篇

龍池初此出龍山
常經此地謁龍顏
日日芙蓉生夏水
年年楊柳變春灣
堯壇寶匣餘煙霧
舜海漁舟尚往還
願似飄颻五雲影
從來從去九天間

劉庭琦

岐王範好儒士與闔朝隱劉庭琦張諤鄭繇等飲酒賦詩後庭琦貶雅州司戶

從軍

朔風吹寒塞胡沙
千萬里陣雲出岱山
孤月生海水次勝
方求敵銜恩本輕
死蕭蕭牧馬鳴
中夜拔劍起

奉和聖製瑞雪篇

紫宸飛雪曉徘徊層閣重門雪照開九衢晶耀浮
埃盡千品差池贄帛來何處田中非種玉誰家院
裏不生梅埋雲翳景無窮已因風落地吹還起先
過翡翠寶房中轉入鴛鴦金殿裏美人含笑出聯
翩豔逸相輕鬪容止羅衣點着渾是花玉手搏來
半成水奕奕紛紛何所如頓憶楊園二月初羞同
班女高秋扇欲照明王乙夜書姑射山中符聖壽
芙蓉闕下降神車願隨睿澤流無限長報豐年貴
有餘

詠木槿樹題武進文明府廳

物情良可見人事不勝悲莫恃朝榮好君看暮落
時

銅雀臺

銅臺宮觀委灰塵魏主園陵漳水濱卽今西望猶
堪思况復當時歌舞人

張諤

紀事云登景龍進士第與岐王範飲酒賦詩貶山莊在承國秀集云陳王掾

百子池

舊聞百子漢家池漢家淶水今逶迤宮女厭鏡笑

窺池身前影後不相見
無數容華空自知

東封山宴羣臣

萬里扈封巒羣公遇此歡
幔城連夜靜雲仗滿空
寒輦路宵煙合旌門曉月殘
明朝陪聖主山下禮
圓壇

三日岐王宅

玉女貴妃生嬰媿始發聲
金盆浴未了綳子繡初成
翡翠雕芳褥真珠帖小纓
何時學健鬪取落花輕

花輕

滿月

社金流茂社庭玉表奇才竹
似因談植蘭疑入夢
裁烏將八子去鳳逐九雛
來今夜明珠色當隨滿
月開

岐王山亭

王家傍綠池春色正相宜
豈有樓臺好兼看草樹
奇石榴天上葉椰子日南枝
出入千門裏年年樂
未移

岐王席上詠美人

詩經 初唐卷之五十一 九
半額畫雙蛾盈盈燭下歌玉杯寒意少金屋夜情
多香豔王分帖裙嬌敕賜羅平陽莫相一作妬喚
出不如他

贈吏部孫員外濟

天子愛賢才星郎入拜來明光朝半下建禮直初
題名帶含香發文隨綺幕開披雲自有鏡從此照
仙臺

送李著作作倅杭州

輟史空三署題輿佐一方祖筵開霽景征陌值韶

光水陸風煙隔秦吳道路長佇聞敷善一作政邦
國詠惟康

九日

秋天一作林下不知春一種佳遊事也一作均絳

葉從朝飛着夜黃花開日未成旬將橫一作街陌

樹頻驚馬半醉歸途數問人城遠一作登高併九

日茱萸凡作幾年新

延平門高齋亭子應岐王教

花源藥嶼鳳城西翠幙紗牕鶯亂啼昨夜蒲萄初

上架今朝楊柳半垂堤片片仙雲來渡水雙雙燕
子共銜泥請語東風催後騎併將歌舞向前谿

九日宴

秋葉風吹黃颯颯晴雲日照白鱗鱗歸來得問茱
萸女今日登高醉幾人

鄭繇

鄭州人嗣聖元年登進士第開元中岐王
範愛儒士繇與劉廷琦闢朝隱張諤皆游
其門飲酒賦
詩為娛樂

失白鷹

白錦文章亂丹青羽翮齊雲中呼暫下雪裏放還

迷梁苑驚池鷺陳倉拂野雞不知寥廓外何處獨

別 作 依棲

經慈澗題

岸與恩同廣波將慈共深涓涓勞日夜長似下流

心

薛昝惑

紀事云世傳昝惑善投壺背後
執矢投之龍躍隼飛百發百中

奉和進船洛水應制

一作孫
述詩

禁園紆睿覽仙棹叶宸遊洛北風花樹江南彩畫

舟榮

一作芳

生蘭蕙草春入鳳凰樓興盡離宮暮煙

寺已

初唐卷之五十一

言系
光起夕流

裴灌

本傳云絳州聞喜人應大禮舉累遷監察御史太極中為兵部侍郎開元中轉黃門侍郎張說在相位數稱薦之灌又善於敷奏上亦嘉重擢吏部尚書太子賓客卒諡曰懿

奉和御製旋師喜捷

殊類驕無長王師示有征中軍纔受律妖寇已亡
精斬虜還遮塞綏降更築城從來攻必克天策振
奇兵

奉和聖製龍池篇

乾坤啟聖吐龍泉泉水年年勝一年始看魚躍方

成海即觀龍飛利在天洲渚遙將銀漢接樓臺直
與紫微連休氣榮光恒不散懸知此地是神仙

奉和聖製送張說上集賢學士賜宴

賦得昇字

聞道圖書盛尊儒禮教興石渠因學廣金殿為賢
昇日月恩光照風雲寵命膺謀謨言可範舟楫事
斯憑宴喜明時洽光輝湛露凝大哉堯作主天下
頌歌稱

奉和御製平胡

玄漢聖恩通由來書軌同忽聞窺月滿相聚寇雲

中廟畧占黃氣神兵出絳宮將軍行逐虜使者亦
和戎一舉輶輻滅再麾沙漠空直將威禁暴非用
武為雄飲至明軍禮疇勲錫武功于戈還載戢文
德在唐風

康庭芝

國秀集云河陰令按杜審言有和庭芝詠月詩

詠月

一作沈佺期詩又作宋之問詩

天使下西樓光含萬里秋臺前疑挂鏡簾外似懸
鉤張尹將眉學班姬取扇儔佳期應借問為報在

刀頭

初唐第五十一

初唐第五十二

唐詩紀五十二

滁陽方一元彙編

海寧方天眷重訂

張九齡

本傳云字子壽韶州曲江人幼聰敏善屬文登進士第拜校書郎玄宗在東宮

舉天下文藻之士親加策問九齡對策高第開元中遷中書舍人後出為桂州都督充嶺南按察使召入累遷中書令知政事密有陳奏多見納用宰執每薦引公卿上必問風度得如九齡否坐引周子諒左遷荆州大都督府長史請歸拜墓卒謚文獻九齡為中書令時天長節百寮上壽多獻珍異唯九齡進金鏡錄五卷言前古興廢之道上賞異之。張說評云九齡之文如輕縑素練實濟時用微窘邊幅。本集序云曲江公詩其言造道雅

圖云張曲江五言沈鬱

四言古詩

奉和聖製燭龍齋祭

上帝臨下鑒亦有光孰云陰隲惟聖克彰六月徂
暑四郊愆陽我后其勤告于壇場精意允溢羣靈
鼓舞蔚以一作朝雲霈然時雨雨我原田亦既有
年燭龍煌煌明宗報祀于以助之天人帝子聞詩
有訓國風茲始

奉和聖製喜雨

艱我稼穡載育載亭如一作物應之曷聖與靈謂
我何憑惟德之馨誰云天遠以誠必至太清無雲
羲和頓轡于斯蒸人瞻彼非覲陰冥倏忽霈澤咸
洎何以致之我后之感無臯無隰黍稷黯黯無卉
無木敷芬黜黜黃龍勿來鳴鳥不思人和年豐皇
心則怡豈與周宣雲漢徒詩

五言古詩

奉和聖製幸晉陽宮

隋季失天策萬方罹凶殘皇祖稱義旗三靈皆獲

安聖期將

一作朝特

申錫王業成艱難盜移未改命曆

在終履端彼汾惟帝鄉雄

洪一作

都信鬱盤一月朔

巡狩羣后陪清鑾霸迹在沛庭舊儀觀漢官唐風

思何深舜典敷更寬家

一作戶

蒙粉榆復邑爭牛酒

歡緬惟翦商後豈獨微禹歎三后既在天萬年斯

不刊尊祖實我皇天文皆仰觀

奉和聖製次成皋先聖禽建德之所

天命誠有集王業初惟艱翦商自文祖夷項在茲

山地識斬蛇處河臨飲馬間威加昔運往澤流今

聖還尊祖頌先列賡歌安用攀紹成即我后封岱

出天關

奉和聖製賜諸州刺史以題座右

聖人合天德洪覆在元元每勞蒼生念不以黃屋

尊興化俟羣辟擇賢守列藩得人此為盛咨岳今

復存降鑒引君道殷勤啓政門容光無不照有象

必為言成憲知所奉致理歸其根肅肅稟玄猷煌

煌戒朱軒豈徒任遇重兼爾宴錫繁載聞勵臣節

持答明主恩

奉和聖製送十道採訪使及朝集使

三年一上計萬國趨河洛課最力已陳賞延恩復
博垂衣深共理改瑟其咸若首路迴竹符分鑣揚
木鐸戒程有攸往詔餞無淹泊昭晰動天文殷勤
在人瘼持久望茲念克終期所託行矣當自強春
耕庶秋穫

奉和聖製謁玄元皇帝廟齋

興運昔有感建祠北山巔雲雷初締構日月今悠
然紫氣尚翳鬱玄元如在焉迨茲事追遠輪奐復

增鮮洞府香林處齋壇清漢邊吾君乃尊祖夙駕
此留連樂動人神會鐘成律度圓笙歌下鸞鶴芝
朮萃靈仙曾是福黎庶豈唯味虛玄賡歌徒有作
微薄謝昭宣

巫山高

巫山與天近煙景長青熒此中楚王夢夢得神女
靈神女去已久雲雨空冥冥唯有巴猿嘯哀音不
可聽

和黃門盧監望秦始皇陵

秦帝始求仙驪山何遽卜中年既無効茲地所宜
復徒役如雷奔珍怪亦雲蓄黔首無寄命赭衣相
追一作馳逐人怨神亦怒身死宗遂覆土崩失天下
龍鬪入函谷國爲項籍屠君同華元戮始掘既由
楚終焚乃因牧上宰議揚賢中阿感怛速一聞過
秦論載懷空杼軸

酬周判官巡至始興會改秘書少監見貽
之作兼呈耿廣州

惟昔遷樂土迨今已重世陰慶荷先德素風慙後
裔唯益梓桑恭豈稟山川麗于時初自勉揆已無
兼濟瘠土資勞力良書啓蒙蔽一探石室文再擢
金門第既起南宮草復掌西掖制過舉及小人便
蕃在中歲亞司河海秩轉牧江湖滋勿謂符竹輕
但覺消塵細一麾尚云忝十駕宜求稅心息已如
灰跡牽且爲贅忽捧天書委將革海隅弊朝聞循
誠節夕飲蒙瘴癘義疾恥無勇盜憎攻亦銳葵藿
是傾心豺狼何返噬履險甘所受勞賢惡相曳攬
轡但荒服循垓便私第嘉慶始獲申恩華復相繼

無庸我先舉同事君猶滯當推奉使績且結拜親
契更延懷安旨曾是慮危際善謀雖若茲至理焉
可替所仗有神道况承明主惠

和吏部李侍郎見示秋夜望月憶諸侍郎

之什其卒章有前後行之戲因命僕繼作
清秋發高興涼月復閒宵光逐露華滿情因水鏡
搖同持亦所見異路無相招美景向空盡歡言隨
事銷忽聽金華作誠如玉律調南宮尚爲後東觀
何其遼名數雖云隔風期幸未遙今來重餘論懷

此更終朝

登南嶽事畢謁司馬道士

將命祈靈嶽廻策詣真士絕跡尋一徑異香聞數
里分庭八桂樹肅容兩童子入室希把袖登牀願
啓齒誘我棄智訣迨茲長生理吸精反自然鍊藥
求不死斯言眇霄漢顧余嬰紛滓相去九牛毛慙
歎知何已

九月九日登龍山

郡庭常窘束涼野求昭曠楚客凜秋時相公舊臺

詩經
卷之五十二
上清明風日好歷落江山望極遠何蕭條中留坐
惆悵東彌夏首闊西拒荆門壯夷險雖異時古今
豈殊狀先賢眇一作杏不接故老猶可訪投弔傷昔
人揮斤感前匠自爲本踈散未始忘幽尚際會非
有欲往來是無妄爲邦復多幸去國殊遷放且汎
籬下菊還聆郢中唱灌園亦何爲於陵乃逃相

登郡城南樓

閉閣幸無事登樓聊永日雲霞千里開洲渚萬形
出澹澹澄江漫飛飛度鳥疾邑人半艫艦津樹多

楓橘感別時已屢憑眺情非一遠懷不我同孤興
與誰悉平生本單緒邂逅承優秩謬忝爲邦寄多
慙理人術駑鉛雖自勉倉廩素非實陳力儻無効
謝病從芝朮

歲初巡屬縣登高安南樓言懷

山城本孤峻憑高結層軒江氣偏宜早林英粲已
繁餘滋含宿霽衆妍在朝暎拂衣釋簿領伏檻遺
紛喧深俯東谿澳遠延南山樊歸雲納前嶺去鳥
投遙村目盡有餘意心惻不可諉竭來彭蠡澤載

經敷淺原春及但生思時哉無與言不才叨過舉
唯力酬明恩美化猶寂蔑迅節徒飛奔雖無成立
効庶以去思論行復徇孤迹亦云吾道存

秋晚登樓望南江入始興郡路

潦收沙衍出霜降天宇晶伏檻一長眺津途多遠
情思來江山外望盡煙雲生滔滔不自辯役役且
何成我來颯衰鬢孰云飄華纓櫪馬苦蹉跎籠禽
念遠征歲陰向晚晚日夕空屏營物生貴得性身
累由近名內顧覺今是追歎何時平

登古陽雲臺

庭樹日衰颯風霜未云已駕言遣憂思乘興求相
似楚國茲故都蘭臺有餘址傳聞襄王世仍立巫
山祀方此全盛時豈無嬋娟子色荒神女至魂蕩
宮觀啓蔓草今如積朝雲爲誰起

與生公尋幽居處

同方又厭俗相與事遐討及此雲山去窅然巖徑
好疑入武陵源如逢漢陰老清諧欣有得幽閒歛
盈抱我本玉階侍偶訪金仙道茲焉求卜築所過

言終
皆神造歲晚林始敷日晏崖方呆不種緣嶺竹豈
植臨潭草卽途可淹留隨日成黼藻期爲靜者說
曾是終焉保今爲簡書畏祗令歸思浩

與生公遊石窟山

探秘孰云遠忘懷復爾同日尋高深意宛是神仙
中躋險構靈室詭制非人功潛洞黝無底殊庭忽
似夢豈如武安鑿自若茅山通造物良有寄嬉遊
迺愜衷猶希咽玉液從此昇雲空咄咄共携手冷
然且馭風

郡舍南有園畦雜樹聊以永日

爲郡久無補越鄉空復深苟能秉素節安用叨華
簪却步園畦裏追吾野逸心形骸拘俗吏光景賴
閑林內訟誠知止外言猶匪忱成蹊謝李逕衛足
感葵陰榮達豈不偉孤生非所任江城何寂歷秋
樹亦蕭森下有北流水上有南飛禽我願從歸翼
無然坐自沈

臨泛東湖

時任
洪州

郡庭日休暇湖曲邀勝踐樂職在中和靈一作心

挹上善乘流坐清曠舉目眺悠緬林與西山重雲
因北風卷晶明盡不逮陰影鏡無辨晚秀復芬敷
秋光更遙衍萬族紛可佳一遊豈能展羈孤忝邦
牧顧已非時選梁一作長公世不容長孺心亦褊永
念出籠繫常思退疲蹇歲徂風露嚴日恐蘭茗一作
若剪佳辰不可得良會何其鮮罷興還江城閉關
聊自遣

始興南山下有林泉嘗卜居焉荊州卧病
有懷此地

出處各有在何者爲陸沈幸無迫賤事聊可祛迷
襟世路少夷坦孟門未嶮欵多慙入火術常惕履
冰心一跌不自保萬全焉可尋行行念歸路眇眇
惜光陰浮生如過隙先達已吾箴敢忘丘山施亦
云年病侵力衰在所養時謝良不任但憶舊棲息
願言遂窺臨雲間目孤秀山下面清深蘿蒿自爲
幄風泉何必琴歸此老吾老還當日千金

晨坐齋中偶而成詠

寒露潔秋空遙山紛在矚孤頂乍脩聳微雲復相

續人茲賞地偏鳥亦愛林旭結念憑幽遠撫躬曷
羈束仰霄謝逸翰臨路嗟疲足徂歲方睽携歸心
亟躑躅休閒儻有素豈負南山曲

詠史

大德始無願中智是所是居然已不一况乃務相
詭小道致泥難巧言因萋毀穰侯或見遲蘇生得
陰揣輕既長沙傳重亦邊郡徙勢傾不幸然跡在
胡寧爾滄溟所爲大江漢日來委澧一作澄水雖復
清魚鱉豈游此賢哉有小白讐中有管氏若人不

世生悠悠多如彼

龍門旬宴得月字韻

恩華逐芳歲形勝兼韶月中席傍魚潭前山倚龍
闕花迎妙妓至鳥避仙舟發宴賞一作行良在茲再
來情不歇

驪山下逍遙公舊居遊集

韋嗣立封
爲逍遙公

君子體清尚歸處有兼資雖然經濟日無忘幽棲
時卜居舊何所休澣嘗來茲岑寂罕人至幽一作高
深獲我思松澗聆遺風蘭林覽餘滋往事誠已矣

詩經
卷之五十一
道存猶可追遺子後黃金作歌先紫芝明德有自
來奕世皆秉彝豈與礪谿老崛起周太師我心希
碩人逮此問元龜怙悵旣懷遠沈吟亦省私已云
寵祿過况在華髮衰軒蓋有迷復丘壑無磷緇感
物重所懷何但止足斯

雜詩五首

孤桐亦胡爲百尺傍無枝踈陰不自覆脩幹欲何
施高岡地復迴弱植風屢吹凡鳥已相噪鳳凰安
得知

蘿葛必有託風霜不能落酷在蘭將蕙甘從莖與
藿運命雖爲宰寒暑自迴薄悠悠天地間委順無
不樂

良辰不可遇心賞更蹉跎終日塊然坐有時勞者
歌庭前攬芳蕙江上託微波路遠無能達憂情空
復多

湘水弔靈妃斑竹爲情緒漢水訪游女解佩欲誰
與同心不可見異路空延佇浦上青楓林津傍白
沙渚行吟至落日坐望祗愁予神物亦豈孤佳期

竟何許

木直幾自寇石堅亦他攻何言為用薄而與火膏

同物類一作累有固然誰能取徑通纖纖良田草靡

靡唯從風日夜沐甘澤春秋等芳叢生性苟不天

香臭誰為中道家貴至柔儒生何固窮終始行一

意無乃過愚公

初唐第五十二

初唐第五十三

唐詩紀五十三

滁陽方一元彙編

每字方夫眷重訂

張九齡

五言古詩

感遇十一首

蘭葉

一作藥

春歲蕤桂華秋皎潔欣欣似

一作此

生意

自爾

一作以

為佳節誰知林棲者聞風坐相

一作見

悅

草木有本

一作本無

心何求美人折

幽林

一作人

歸獨卧滯慮洗孤清持此謝高鳥因之

傳遠情日夕懷空意人誰感至精飛沈理自隔何

所用

一作

慰吾誠

魚游樂深池鳥棲欲高枝嗟爾蜉蝣羽薨薨亦何

爲有生豈不化所感奚若斯神理日微滅吾心安

得知浩歎楊朱子徒然泣路岐

孤鴻海上來池潢不敢顧側見雙翠鳥巢在三珠

樹矯矯珍木巔得無金丸懼美服患人指高明逼

神惡今我遊冥冥弋者何所慕

吳越數千里夢寐今夕見形骸非我親衾枕卽鄉

縣化蝶猶不識川魚安可羨海上有仙山歸期覺

神變

西日下山隱北風乘夕流燕雀感昏旦簷楹呼匹

儔鴻鵠雖自遠哀音非所求貴人棄疵賤下士嘗

殷憂衆情累外物恕已忘內修感歎長如此使我

心悠悠

江南有丹橘經冬猶綠林豈伊地氣暖自有歲寒

心可以薦嘉客柰何阻重深運命惟所遇循環不

詩經
可尋徒言樹桃李此木豈無陰

永日徒離憂臨風懷蹇脩美人何處所孤客空悠悠
青鳥跂不至朱鷺誰云浮夜分起躑躅時逝曷
淹留

抱影吟中夜誰聞此歎息美人適異方庭樹含幽
色白雲愁不見滄海飛無翼鳳凰一朝來竹花斯
可食

漢上有游女求思安可得袖中一札書欲寄雙飛
翼冥冥愁不見耿耿徒緘憶紫蘭秀空蹊皓露奪

幽色馨香歲欲晚感嘆情何極白雲在南山日暮
長太息

我有異鄉憶宛在雲溶溶憑此目不覩要之心所
鍾但欲附高鳥安敢攀飛龍至精無感遇悲惋填
心曾歸來扣寂寞人願天豈從

閉門曠羣化憑林結所思嘯嘆此寒木疇昔迺芳
蕤朝陽鳳安在日暮蟬獨悲浩思極中夜深嗟欲
待誰所懷誠已矣既往不可追鼎食非吾事雲仙
嘗我期胡越方杳杳車馬何遲遲天壤一何異幽

詩經
新唐卷之五十三
三
嘿卧簾帷

江上遇疾風

疾風江上起鼓怒揚煙埃白晝晦如夕洪濤聲若
雷投林鳥鍛羽入浦魚曝腮瓦飛屋且發帆快檣
已摧不知天地氣何爲此喧豗

南陽道中作

登郢屬歲陰及宛情所適復聞東漢主遺此南都
迹佳氣藹厥初霸圖紛在昔茲邦稱貴近與世嘗
薰赫遭遇感風雲變衰空草澤不識鄧公樹猶傳

陰后石驅馬歷闔閭荆榛翳阡陌事去物無象感
來心不憚懷古對窮秋興言傷遠客眇默遵岐路
辛勤弊行役雲鴈號相呼林麇走自索顧憶狗書
劍未嘗安枕席豈暇墨突黔空持遼豕白迷復期
非遠歸歟賞農隙

湘中作

湘流繞南嶽絕目轉青青懷祿未能已瞻途屢所
經煙嶼宜春望林猿莫夜聽永路日多緒孤舟天
復冥浮沒從此去嗟嗟勞我形

彭蠡湖上

沿涉經大湖湖流多行決決晨趨北渚逗浦已西
日所適雖淹曠中流且閑逸瑰詭良復多感見乃
非一廬山直陽許孤石當陰術一水雲際飛數峯
湖心出象類何交糺形言豈深悉且知皆自然高
下無相恤

入廬山仰望瀑布水

絕頂有懸泉喧喧出煙杪不知幾時歲但見無昏
曉閃閃青崖落鮮鮮白日皎灑流濕行雲濺沫驚
飛鳥雷吼何噴薄箭馳入窈窕昔聞山下蒙今乃
林巒表物情有詭激坤元曷紛紛矯默然置此去變
化誰能了

出爲豫章郡途次廬山東巖下

茲山鎮何所乃在澄湖陰下有蛟螭伏上與虹蜺
尋靈仙未始曠窟宅何其深雙闕出雲峙三宮入
煙沈攀崖猶昔境種杏非舊林想像終古跡惆
悵獨往心紛吾嬰世網數載忝朝簪孤根自靡
託量力况不任多謝周身防常恐橫議侵豈匪鷓

鴻列惕如泉壑臨迨茲刺江郡來此滌塵襟有趣
逢樵客忘懷狎野禽棲閑義未果用拙歡在今願
言答休命歸事丘中琴

巡屬縣道中作

春令夙所奉駕言遵此行途中却郡掾林下招村
氓至邑無紛劇來人但歡迎豈伊念邦政爾實在
時清短才濫符竹弱歲起柴荆再入江村道永懷
山藪情矧逢陽節獻默聽時禽鳴迹與素心別感
從幽思盈流芳日不待夙志蹇無成知命且何欲
所圖唯退耕華簪極身泰衰鬢慙木榮苟得不
遂吾其謝世嬰

夏日奉使南海在道中作

緬然萬里路赫曦三伏時飛走逃深林流爍恐生
疵行李豈無苦而我方自怡肅事誠在公拜慶遂
及私展力慚淺效銜恩感深慈且欲湯火蹈况無
鬼神欺朝發高山阿夕濟長江溜秋瘴寧我毒夏
水胡不夷信知道存者但問心所之呂梁有出入
乃覺非虛詞

巡按自灘水南行

理棹雖云遠飲水寧有惜况乃佳山川怡然傲潭
石竒峯岌前轉茂樹隈中積猿鳥聲自呼風泉氣
相激目因詭容逆心與清暉滌紛吾謬執簡行郡
將移檄卽事聊獨歡素懷豈兼適悠悠詠靡盬庶
以窮夕日

使還都湘東作

倉庚昨歸候陽鳥今去時感物遽如此勞生安可
思養真無上格圖進豈前期清節往來苦壯容離

別衰盛明非不遇弱操自云私孤楫清川渚征衣
寒露滋風朝津樹落日夕嶺猿悲牽役而無悔坐
愁祗自怡當須報恩已終爾謝塵緇

冬中至玉泉山寺屬窮陰冰閉崖谷無色
及仲春行縣復往焉故有此作

靈境信幽絕芳時重暄妍再來及茲勝一遇非無
緣萬木柔可結千花敷欲然松間鳴好鳥竹下流
清泉石壁開精舍金光照法筵真空本自寂假有
聊相宣復此灰心者仍追巢頂禪簡書雖有畏身

世亦相捐

郢城西北有大古塚數十觀其封域多是
楚時諸王而年代久遠不復可識唯直西
有樊妃塚因後人爲植松柏故行路盡知
之

蘋藻生南澗蕙蘭秀中林嘉名有所在芳氣無幽
深楚子初逞志樊妃嘗獻箴能令更擇士非直罷
從禽舊國皆湮滅先王亦莫尋唯傳賢媛隴猶結
後人心牢落山川意蕭疎松柏陰破墻時直上荒
徑或斜侵惠問終不絕風流獨至今千春思窈窕
黃鳥復哀音

荊州作二首

先達志其大求意不約文士伸在知己已况仕於
君微誠夙所尚細故不足云時來忽易失事往良
難分顧念凡近姿焉欲殊常勲亦以行則是豈必
素有聞千慮且猶失萬緒何其紛進士苟非黨免
相安得羣衆口金可鑠孤心絲其焚意忠仗朋信
語勇同敗軍古劔徒有氣幽蘭祇自薰高秩向所

忝於義如浮雲

千載一遭遇往賢所至難問余奚為者無階忽上
搏明聖不世出翼亮非苟安崇高自有配孤陋何
足干遇恩一時來竊位三歲寒誰謂誠不盡知窮
力亦殫雖至負乘寇初無挾術鑽浩蕩出江湖翻
覆如波瀾心傷不材樹自念獨飛翰狗義在匹夫
報恩猶一餐况乃山海澤效無毫髮端內訟已慙
沮積毀今摧殘胡為復惕息傷鳥畏虛彈

在郡秋懷二首

秋風入前林蕭颼鳴高

一作寒

枝寂寞遊子思寤歎

何人知宦成名不立志存

一作在

歲已馳五十而無

聞古人深所疵平生去外飾直道如不羈未得操

割劾忽復寒暑移物情自古

一作有同

然身退毀亦隨

悠悠滄海

一作江

渚望望白雲涯露下霜且降澤中

草離披蘭艾若不分安用馨香為

庭蕪生白露歲候感遐心策蹇慙遠途巢枝思故

林小人恐致寇終日如臨深魚鳥好自逸池籠安

所欽挂冠東都門採蕨南山岑議道誠愧昔覽分

還愜今憮然憂成老空爾白頭吟

忝官二十年盡在內職及爲郡嘗積戀因

賦詩焉

江流去朝宗晝夜茲不舍仲尼在川上子牟存闕
下聖達有由然孰是無心者一郡苟能化百城豈
云寡愛禮誰爲羊戀主吾猶馬感初時不載思奮
翼無假閑宇嘗自閉沈心何用羈攬衣步前庭登
陴臨曠野白水生迢遞清風寄瀟洒願言采芳澤
終朝不盈把

二弟字邑南海見羣鴈南飛因成詠以寄
鴻鴈自北來嗷嗷度煙景嘗懷稻梁惠豈憚江山
永小大每相從羽毛當自整雙鳥侶晨泛獨鶴叅
宵警爲我更南飛因書至梅嶺

將發還鄉示諸弟

歲陽亦頽止林意日蕭摵云胡當此時緬邁復爲
客至愛孰能捨名義來相迫負德良不貲輸誠靡
所惜一木逢厦構纖塵願山益無力主君恩寧利
客卿壁去去榮歸養憮然歎行役

叙懷二首

弱歲讀羣史抗迹追古人被褐有懷玉佩印從負
薪志合豈兄弟道行無賤貧孤根亦何賴感激此
爲鄰

晚節從卑秩岐路良非一旣聞持兩端復見挾三
術木瓜誠有報玉楮論無實已矣直躬者平生壯
圖失去去勿重陳歸來茹芝朮

題畫山水障

心累猶不盡果爲物外牽偶因耳目好復假丹青

妍嘗抱野間意而迫區中緣塵事固已矣秉意終
不遷良工適我願妙墨揮巖泉變化合羣有高深
侔自然置於北堂上做像南山前靜無戶庭出行
已茲地偏萱草憂可樹合歡忿益蠲所因本微物
况乃憑幽筌言象會自泯意色聊自宣對翫有佳
趣使我心渺綿

雜言

奉和聖製瑞雪篇

萬年春三朝日上御明臺旅庭實初瑞雪兮霏微

詩經
卷之五十三
俄同雲兮蒙密此時騷切陰風生先過金殿有餘
清信宿嬋娟飛雪度能使玉人俱掩嫫皓皓樓前
月初白紛紛陌上塵皆素昨訝驕陽積數旬始知
和氣待迎新匪惟在人利曾一作是扶一作天意天意
豈云遙雪下不崇朝皇情翫無斃雪委方盈尺草
樹紛早榮京坻宛先積君恩誠謂何歲稔復人和
預數斯箱慶應如此雪多朝冕旒兮載悅想篋笈
今農節倚瑤琴兮或歌續薰風兮瑞雪福浸昌應
尤盛瑞雲年年常感聖願以栢梁作長爲柳花詠

奉和聖製溫泉歌

唐詩紀五十四
有時神物待聖人去後湯還冷來時樹亦春今茲
十月自東歸羽旆逶迤上翠微温谷葱葱佳氣色
離宮奕奕叶光輝臨渭川近天邑浴日温泉復在
茲羣仙洞府那相及吾君利物心玄澤浸蒼黔漸
漬神湯無疾苦薰歌一曲感人深

黃麻烏無寒苦薰烟一曲淑人彩
茲羣山同寂寂又吾苦味味以玄翠氣蒼傑
巖宮奕奕扣光戰韻韻川茂天呂谷日盛泉
十員自東融休林委或土翠嶺盛谷慈慈封
本却軒軒奇聖人去對髮髮今來却樹亦春
奉味聖樂盛泉燔

初唐第五十四

唐詩紀五十四

滁陽方二元彙編
海寧方天眷重訂

張九齡

五言律詩

奉和聖製經孔子舊宅

孔丘一作丘門太山下不見登封時徒有先生法今為

明主思思加萬乘幸禮致一牢祠舊宅千年外光

華空在茲

詩紀

初唐卷之三十四

十一

詩經 卷之五十四 奉和聖製次瓊嶽韻

山祇亦望幸雲雨見靈心嶽館逢朝霽關門解宿
陰咸京天上近清渭日邊臨我武因冬狩何言是
卽禽

奉和聖製送李尚書入蜀

眷言感忠義何有間山川徇節今如此離情空復
然皇心在勤恤德澤委昭宣周月成功後明年或
勞還

奉和聖製初出洛城

東土淹龍駕西人望翠華山川祇詢物宮觀豈為
家十月迴星一作星迴斗千官捧日一作日捧車洛陽無怨
思巡幸更非賒

奉和聖製途次陝州作

馳道當河陝陳詩問國風川原三晉別襟帶兩京
同後殿函關盡前旌關塞通行看洛陽陌光景麗
天中

勅賜寧王池宴

賢王有池館明主賜春遊淑氣林間發恩光水上

浮徒慚一作和鼎地終謝巨一作川舟皇澤空如
此輕生莫可酬

天津橋東旬宴得歌字韻

清洛象天河東流形勝多朝來逢宴喜春盡却妍
和泉鮪歡時躍林鶯醉後一作歌賜恩頻若此爲
樂奈人何

上陽水牕旬宴得移字韻

河漢非應到汀洲忽在斯仍逢帝樂下如逐海槎
窺春賞時將換皇恩歲不移今朝遊宴所莫比天

泉池

折楊柳

纖纖折楊柳持此寄情人一枝何足貴憐是故園
春遲景那能久芳菲不及新更愁征戍客容鬢老
邊塵

剪綵

姹女矜容色爲花不讓春旣爭芳意早誰待物華
真葉作參差發枝從點綴新自然無限態長在艷

陽晨

一作

寺記

初唐卷之五十四

三

和崔黃門寓直夜聽蟬之作

蟬嘶玉樹枝向夕惠風吹幸入連宵聽應緣飲露
知思深秋欲近聲靜夜相宜不是黃金飾清香徒
爾為

和姚令公從幸温湯喜雪

萬乘飛黃馬千金狐白裘正逢銀霰積如向玉京
遊瑞色鋪馳道花文拂綵旒還聞吉甫頌不共郢
歌儔

立春日晨起對積雪

忽對林亭雪瑤華處處開今年迎氣始昨夜伴春
迴玉潤窓前竹花繁院裏梅東郊齋祭所應見五
神來

三月三日申王園亭宴集

稽亭追往事睢苑勝前聞飛閣凌芳樹華池落綵
雲藉草人畱酌銜花鳥赴羣向來同賞處惟恨碧
林曛

三月三日登龍山

伊川與灞津今日祓除人豈似龍山上還同湘水

詩經
卷之五十四
四
濱衰顏憂更老
淑景望非春
禊飲豈吾事
聊將趨
俗塵

和王司馬折梅寄京邑昆弟

離別念同嬉
芬榮欲共持
獨攀南國樹
遙寄北

時林惜迎春
早花愁去日
遲還一作仍聞折梅處

有棣華詩

晚霽登王六東閣

試上江樓望
初逢山雨晴
連空青嶂合
向晚白雲

生彼美要殊
觀蕭條見遠情一作晴情來不可極

暮水流清

蘇侍郎紫薇庭各賦一物得芍藥

仙禁生紅藥
微芳不自持
幸因清切地
還遇艷陽

時名見桐君
籙香聞鄭國
詩孤根若可用
非直愛

華滋

和黃門盧侍御詠竹

清切紫庭垂
葳蕤防露枝
色無玄月變
聲有惠風

吹高節人相
重虚心世所知
鳳皇佳可食
一去一

來儀

詩紀

初唐卷之五十四

五

和韋尚書答梓州兄南亭宴集

棠棣聞餘興烏衣有舊遊
門前杜城陌池上曲江
流暇日嘗繁會清風詠阻脩
始知西峙嶽同氣此
相求

陸平原贈弟有子為東峙岳之句

答陳拾遺贈竹簪

與君嘗此志因物復知心
遺我鍾龍節非無玳瑁
簪幽素宜相重雕華豈所任
為君安首飾懷此代
兼金

贈澧陽韋明府

君有百鍊刃堪

一作能

斷七重犀誰開太阿匣持割

武城雞竟與尚書佩遙應天子提何時遇操宰

作

柄當使玉如泥

在洪州答綦母學士

旬雨不愆期由來自右時
爾無言郡政吾豈欲天
欺常念消塵益惟歡草樹滋
課成非所擬人望在
東菑

酬王六霽後青懷見示

雲雨俱行罷江天已泐開
炎氛霽後滅邊緒望中

詩經
卷之五十四
九
來作驥君垂耳爲魚我曝鯁更憐湘水賦還是洛陽才

酬王六寒朝見詒

賈生流寓日楊子寂寥時在物多相背唯君獨見思漁爲江上曲雪作郢中詞忽枉兼金訊長懷代木詩

林亭詠

穿築非求麗幽閒欲寄情偶懷因壤石真意在蓬瀛苔益山文古池添竹氣清從茲果蕭散無事亦

無營

晨出郡舍林下

晨興步北林蕭散一開襟復見林上月娟娟猶未沈片雲自孤遠叢篠亦清深無事由來貴方知物外心

園中時蔬盡皆鋤理唯秋蘭數本委而不顧彼雖一物有足悲者遂賦二章

場藿已成歲園葵亦向陽蘭時獨不偶露節漸無芳旨異菁爲蓄甘非蔗有漿人多利一飽誰復惜

馨香

幸得不鋤去孤苗守舊根無心羨旨蓄豈欲近名
園遇賞寧充佩爲生莫礙門幽林芳意在非是爲
人論

林亭寓言

林居逢歲宴遇物使情多蘅茝不時與芬榮柰汝
何更憐籬下菊無如松上蘿因依自有命非是隔
陽和

送使廣州

家在湘源任君今海嶠行經過正中道相送倍爲
情心逐書郵去形隨世網嬰因聲謝遠別緣義不
緣名

送姚評事入蜀各賦一物得卜肆

蜀巖化已久沈冥空所思嘗聞賣卜處猶憶下簾
時驅傳應經此懷賢儻問之歸來說往事歷歷偶
心期

送竇校書見餞得雲中辨江樹

江水天連色無涯淨野氛微明岸傍樹凌亂渚前

言終
復惜離羣
雲舉棹形徐一作隨轉登艫意漸分渺茫從此去空

餞王司馬入計同用洲字

元寮行上計舉餞出林丘忽望題輿遠空思解榻
遊別筵鋪柳岸征棹倚蘆洲獨歎湘江水朝宗向
北流

東湖臨泛餞王司馬

南土秋雖半東吳草未黃聊乘風日好來汎芰荷
香蘭棹無勞速菱歌不厭長忽懷京洛去難與其

清光

詩

餞濟陰梁明府各探一物得荷葉

荷葉生幽渚芳華信在茲朝朝空此地采采欲因
誰但恐星霜改還將蒲稗衰懷君美人別聊以作

取
贈心期

餞陳學士還江南同用徵字

荷蓀旋江澳銜杯餞霸陵別前林鳥息歸處海煙
凝風土鄉情接雲山客念憑聖朝巖穴選應待鶴
書徵

通化門外送別

屢別容華改長愁意緒微義將私愛隔情與故人
歸薄宦無時賞勞生有事機離魂今夕夢先繞舊
林飛

送楊道士往天台

鬼谷還成道天台去學仙行應松子化畱與世人
傳此地煙波遠何時羽駕旋當須一把袂城郭共
依然

送楊府李功曹

平生屬良友結綬望光輝何知人事拙相與宦情
非別路穿林盡征帆際海歸居然已多意况復兩
鄉違

送宛句趙少府

解巾行作吏樽酒謝離居脩竹含清景華池澹碧
虛地將幽興愜人與舊遊踈林下紛相送多逢長
者車

送韋城李少府

送客南昌尉離亭西候春野花看欲盡林鳥聽猶

言終
新別酒青門路歸軒白馬津相知無遠近萬里尚
爲鄰

送蘇主簿赴偃師

我與文雄別胡然邑吏歸賢人安下位鷺鳥欲卑
飛激節輕華冕移官狗綵衣羨君行樂處從此拜
庭闈

送廣州周判官

海郡雄蠻落津亭北越臺城隅百雉映水曲萬家
開里樹枕榔出時禽翡翠來觀風猶未盡早晚使

車迴

郡江南上別孫侍御

雲嶂天涯盡川途海縣窮何言此地僻忽與故人
同身負邦君弩情紆御史驄王程不我駐離思逐
秋風

自豫章南還江上作

歸去南江水磷磷見底清轉逢空闊處聊洗滯留
情浦樹遙如待江鷗近若迎津途別有趣况乃濯
吾纓

道逢北使題贈京邑親知

征驂稍靡靡去國方遲遲
路遠南登岸情搖北上
旗故人憐別日旅鴈逐歸時
歲晏無芳草將何寄
所思

江上使風呈裴宣州耀卿

江路與天連風帆何淼然
遙林浪出沒孤舫鳥聯
翩常愛千鈞重深思萬事捐
報恩非徇祿還逐賈
人船

谿行寄王震

山氣朝來爽谿流日向清
遠心何處愜閒棹此
行叢桂林間待羣鷗水上迎
徒然適我願幽獨為
誰情

將至岳陽有懷趙二

湘岸一作浦多深林青冥晝結陰
獨無謝客賞况復
賈生心草色雖云發天光或未臨
江潭非所遇為
爾白頭吟

使還湘水

歸舟宛何處正值楚江平
夕逗煙村宿朝緣浦樹

言終
初唐卷之五十四
行于役已彌歲言旋今愜情鄉郊尚千里流日夏
雲生

初發道中寄遠

日夜鄉山遠秋風復此時舊聞胡馬思今聽楚猿
悲念別朝昏苦懷歸歲月遲壯圖空不息常恐髮
如絲

自湘水南行

落日催行舫逶迤洲渚間雖云有物役乘此更休
閒暝色生前浦清暉發近山中流澹容與唯愛鳥

飛還

初入湘中有喜

征鞍窮郢路歸棹入湘流望鳥唯貪疾聞猿亦罷
愁兩邊楓作岸數處橘爲洲却記從來意一作翻
疑夢裏遊

耒陽谿夜行

乘夕棹歸舟緣源路轉幽月明看嶺樹風靜聽谿
流嵐氣船間入霜華衣上浮猿聲雖此夜不是別
家愁

江上

長林何繚繞遠水復悠悠盡日餘無見為心那不
愁憶將親愛別行為主恩酬感激空如此芳時屢
已道

自彭蠡湖初入江

江岫殊空闊雲煙處處浮上來羣噪鳥中去獨行
舟牢落誰相顧逶迤日自愁更將心問影于役復
何求

赴使瀧峽

谿路日幽深寒空入兩欽霜清百丈水風落萬重
林夕鳥聯歸翼秋猿斷去心別離多遠思况乃歲
方陰

湖口望廬山瀑布泉

萬丈洪一作紅泉落迢迢半紫氛奔飛下一作流雜樹

灑落出重雲日照虹蜺似天清風雨聞靈山多秀
色空水共氤氳

湏陽峽

行舟傍越岑窈窕越谿深水閭先秋冷山晴當晝

詩經 卷之五十四
陰重林間五色對壁聳千尋惜此生遐遠誰知造化心

使至廣州

昔年嘗不調茲地亦遭迴本謂雙鳥少何知駟馬來人非漢使橐郡是越王臺去去雖殊事山川長在哉

春江晚景

江林皆秀發雲日復相鮮征路那逢此春一作心益渺然興來祇自得佳處莫能傳薄暮津亭下餘

花滿客船

與王六履震廣州津亭曉望

明發臨前渚寒一作潮來淨遠空水紋天上碧日氣

海邊紅景物紛爲異人情賴此同乘槎一作桴自有

適非欲破長風

初發曲江谿中

谿流清且深松石復陰臨正爾可嘉處胡爲無賞心我由不忍別物亦有緣侵自匪嘗行邁誰能知此音

旅宿淮陽亭口號

日暮荒亭上悠悠旅思多故鄉臨桂水今夜渺星
河暗草霜華發空亭鴈影過興來誰與晤勞者自
為歌

望月懷遠

海上生明月天涯共此時情人怨遙夜竟夕起相
思滅燭憐光滿披衣覺露滋不堪盈手贈還寢夢
佳期

秋夕望月

清迴江城月流光萬里同所思如夢裏相望在庭
中皎潔青苔露蕭條黃葉風含情不得語頻使桂
華空

詠燕

紀事云九齡為相與李林甫方同列陰欲中
傷之屢陳九齡頗懷誹謗于時方秋帝命高
力士持白團扇以賜將寄意焉九齡惶恐因
作賦以獻又為燕詩以貽林甫云云林甫覽
之知其必退
恚怒少解

海燕何微眇乘春亦暫來豈知泥滓賤祗見玉堂
開繡戶時雙入華軒日幾迴無心與物競鷹隼莫

言系
相猜

故刑部李尚書荆谷山集會

嘗聞繼老聃身退道彌耽結宇倚青壁疏泉噴碧
潭苔石隨人古煙花寄酒酣山光紛向夕歸興杜
城南

戲題春意

一作江南守江林三四春相鳴不及鳥相樂喜關
人日守朱絲直年催華髮新淮陽祇有卧持此度
芳辰

庭梅詠

芳意何能早孤榮亦自危更憐花蒂弱不受歲寒
移朝雪那相妬陰風已屢吹馨香雖尚爾飄蕩復
誰知

聽箏

端居正無緒那復發秦箏纖指傳新意繁絃起怨
情悠揚思欲絕掩抑態還生豈是聲能感人心自
不平

初秋憶金均兩弟

言絲
不唐卷之五十四
江渚秋風至他鄉離別心孤雲愁自遠一葉感何
深憂喜嘗同域飛鳴忽異林青山西北望堪作白
頭吟

秋懷

感惜芳時換誰知客思懸憶隨鴻向煖愁學馬思
邊畱滯機還息紛拏網自牽東南起歸望何處是
江天

故刑部李尚書挽詞三首

仙宗出趙北相業起山東明德嘗爲禮嘉謀屢作

忠論經白虎殿獻賦甘泉宮與善今何在蒼生望
已空

宿昔三台踐榮華駟馬歸印從青瑣拜翰入紫宸
揮題劔恩方重藏舟事已非龍門不可望感激涕
沾衣

永歎常山寶沈埋京兆阡同盟會五月華表記千
年渺漫野中草微茫空裏煙共悲人事絕唯對杜
陵田

故徐州刺史贈吏部侍郎蘇公挽歌詞三

首

韋玄方繼相荀爽復齊名在貴兼天爵能賢

一作言

出世卿學聞金馬詔

一作縱

神見玉人清藏壑今如

此為山遂不成

相如只謝病子敬忽云亡豈悟瑤臺雪分彫玉樹

行清規留草議故事在封章本謂山公啓而今歿

始揚

返葬長安陌秋風簫鼓悲奈何相送者不是平生

時寒影催年急哀歌助晚遲寧知建旆罷丹旄向

京師

故滎陽君蘇氏挽歌詞三首

門緒公侯列嬪風詩禮行松蘿方有寄桃李忽無

成劍去雙龍別雛哀九鳳鳴何言嶧山樹還似半

心生

永歎芳魂斷行看草露滋二宗榮盛日千古別離

時竟罷生芻

一作香

贈空留畫扇悲容車候曉發何

歲是歸期

縞服紛相送玄扃翳不開更悲泉火滅徒見柳車

詩記

初唐卷之五十四

九

詩經
後唐卷之五十四
迴舊室容衣奠新塋
拱樹栽唯應月照
簞潘岳此時哀

眉州康司馬挽歌詞

家受專門學人稱入室賢
劉楨徒有氣管輅獨無年
謫去長沙國魂歸京兆阡
從茲匣中劍埋沒罷衝天

七言律詩

奉和聖製早發三鄉山行

羽衛森森西向秦山川
麻屨在清晨晴雲稍卷寒

宿雨能

一作

銷御路塵聖德由來合天道靈

符卽此應符巡遺賢一一皆羈致猶欲高深訪隱

淪

表和聖製龍池篇

天啓神龍生信良
文火靈源浸迤邐
飛龍已向珠潭出
積水仍將銀漢連
岸傍花柳看勝畫
浦上樓臺問是仙
我后元符從此得
方爲萬歲壽圖川

臺閣長山峻法三子於於州野大為萬歲壽圖川

軍出蘇水四科難黃與學子刻於於香潮盡敵土對

天智時難生言是為以莫所竟或長氣難子向來

德林臣陳鄭也為

命 七言律詩

將唱山歌行世貴雙一二昔驛姪醉谷高彩信景

德富用頭 檢時極聖聖由來合天意靈

